

CRAOBH NAN UBHAL

Na seasamh meadhan a' ghàrraidh
beagan crùbach, coltach ris an Naomh Frangan
biadhadh nan eun agus a' toirt fasnadh
do na beathaichean as lugha mun cuairt.

Ann an òige an earraich, tha a h-èideadh
a' deàlradh gealltanais le cùbhraidheachd:
geal fìorghlan 's bàn-dhearg neo-chiontach.

Caithidh an sàmradh a chleòca gorm
timcheall a cumadh torrach, falaichte
ann am fillidhean a h-ulaidhean luachmhòr
tlachdmhòr dhan t-sùil, milis don bhlàs.

As t-fhoghar tilgidh i a-mach gach bacadh
a' sgaoileadh a tìodhlacan gu fialaidh
toirt toileachas do dhuine is do bheathaichean
na talmhainn is adhair, le pailteas ga chaomhneadh.

Nis 's e 'n geamhradh a tha ann.
Tha i na seasamh, rùisgte, dh'fhalbh a beairteas.
Ach fo choltas a' bhàis, tha beatha ùr mu thràth ag obair
ag ullachadh ràithean nas torraiche ri teachd.

Oir tha eòlas agam, a dh' aindeoin nam builean
a dh'fheumas tighinn... tillidh am blàth
cho cinnteach, cho cumhachdach, cho milis.

Ruairidh MacLeòid
rorymofg@gmail.com